

Headlines

- 1 प्रधानमंत्री नरेंद्र मोदी होंरें आखेआ जे जम्मू-कश्मीर दे लोकें निर्णायक तौर पर अलगाववाद ते आतंकवाद थमां दूरी बनाई लैती ते अपने वोट दी ताकत दे जरिए लोकतंत्र गी चुनेआ ऐ।
- 2 उपराज्यपाल मनोज सिन्हा होंरें आखेआ जे जम्मू-कश्मीर च 1 लकख करोड़ रपे दा निवेश होन जा'रदा ऐ जेदे कन्नै तकरीबन 5 लकख रोजगार दे मौके लोकें आस्तै उपलब्ध होडन।
- 3 प्रधानमंत्री नरेंद्र मोदी होंरें एकता दे जज्वे गी महत्वपूर्ण दस्सेआ ते देशवासिएं गी बंड बंटवारे करने आहली शक्तिएं थमां आगाह कीता ऐ।
- 4 अज्ज पूरा राष्ट्र सरदार वल्लभ भाई पटेल हुंदी पुण्यतीथि पर राष्ट्री एकता ध्याडा मना'रदा ऐ।

<><><><><><>

PM-JK

प्रधानमंत्री नरेंद्र मोदी होंरें अज्ज आखेआ ऐ जे जम्मू-कश्मीर दे लोकें निर्णायक तौर पर अलगाववाद ते आतंकवाद थमां मूंह मोडेआ ऐ ते एह्दे बजाय अपने वोट दी ताकत दे राएं लोकतंत्र गी अपनाया ऐ। राष्ट्रीय एकता दिवस दे मौके पर राष्ट्र गी संबोधित करदे होई उनें आखेआ जे एह् पैहली बारी होआ ऐ जे जम्मू-कश्मीर च कुसा मुखमंत्री नै भारत दे संविधान दे तैहत शपथ लैती ऐ। गुजरात दे केवडिया थमां एकता दिवस समारोह च बोलदे होई प्रधानमंत्री होंरें आखेआ जे अज्ज जम्मू-कश्मीर दे देशभक्त लोकें संविधान ते लोकतंत्र गी जताया ऐ। मोदी होंरें जम्मू-कश्मीर च मतदाताएं दी भावना दा सम्मान करदे होई आखेआ जे अज्ज राष्ट्र एकता ध्याडे दे मौके उप्पर मैं जम्मू-कश्मीर दे लोकें गी पूरी श्रद्धा कन्नै नमन करना।

<><><><><><>

LG-UT Foundation Day

जम्मू-कश्मीर च केंद्र शासन दी स्थापना ध्याडे दे मौके उपराज्यपाल मनोज सिन्हा होंरें शेर-ए-कश्मीर इंटरनेशनल कांफ्रेंस सेंटर, श्रीनगर च अपना संबोधन पेश कीता। यू.टी बनने मगरा जम्मू-कश्मीर च होए दे विकास गी इस कार्यक्रम च उजागर कीता गेआ। उपराज्यपाल होंरें लाल चौक, पुलवामा च होए दे विकास कम्में पर लौऽ पाई। उनें आखेआ जे जम्मू-कश्मीर च 1 लकख करोड़ रपे दा निवेश होन जाश्रदा ऐ। जेदे कन्नै 5 लकख नौकरिएं दे मौके पेश होडन। उनें जम्मू-कश्मीर च शांति कायम रखने च सहयोग देने आस्तै जम्मू-कश्मीर पुलस दी तरीफ कीती। सिन्हा होंरें जम्मू-कश्मीर दे बेहतर मुस्तकबिल आस्तै एकता ते कट्टे रलिए कम्म करने गी महत्वपूर्ण दस्सेआ। मौजूद लोकें गी टिकाऊ विकास ते बाद्दे आस्तै विचार सांझा करने आस्तै आखेआ गेआ। राज्य दा दर्जा वापस हासल होने बारै उपराज्यपाल होंरें आखेआ जे प्रधानमंत्री ते गृह मंत्री हुंदे वादे मताबक सेही समें पर इसी पूरा कीता जाग। उपराज्यपाल मनोज सिन्हा होंरें राजभवन श्रीनगर च अधिकारिएं गी राष्ट्री एकता दिवस पर सौगंध चुकाई। राष्ट्री एकता दिवस भारत दे लौहपुरुश सरदार वल्लभ भाई पटेल हुंदी पुण्यतीथि दे मौके उप्पर मनाया जंदा ऐ। उपराज्यपाल होंरें 'एक्स' पर पोस्ट राएं सरदार वल्लभ भाई पटेल होंरें गी श्रद्धांजलि भेंट कीती ते आखेआ जे उंदी जन्म जयंती पर सारे अपना जीवन उंदे आदर्शें गी समर्पित करचे ते विकसित भारत आस्तै इकट्टे रलियै कम्म करचै।

<><><><><><>

Encounter-JK

मंगलवार जम्मू दे अखनूर दे बट्टल गां च सुरक्षाबलें कन्नै टाकरे च मारे गेदे 3 आतंकवादी प्रतिबंधित जैश-ए-मोहम्मद गुट दे सदस्य हे ते हाल च गै पाकिस्तान दे कब्जे आहले कश्मीर थमां घुसपैठ करिए क्षेत्र च दाखल होए हे। आकाशवाणी जम्मू

संवाददाता नै दस्सेआ ऐ जे आतंकवादी अखनूर राहें कुसा बड्डी घटना गी अंजाम देने दे मकसद कन्नै आए हे। खुफिया जानकारी मूजब एह आतंकवादी बटूल जरिए अखनूर दाखल होए ते उंदे कोला बरामद वायरलैस सेट जरिए एह साफ होई गेआ ऐ जे एह जैश-ए-मोहम्मद लेई कम्म करदे हे।

<><><><><><>

### Air Marshal Leh

Air Officer Commanding in Chief Western Air Command Air Marshal Pankaj Mohan Singh होरें अज्ज Air force Station Thoise ते Air Force Station Leh दा दौरा लाया। देयाली दे मौके पर एयर वारियर्स कन्नै समां बिताया। उनें उंदी भावना ते हिम्मत दी सराहना कीती ते सब्बनें कर्मियें ते उंदे परोआरें गी शुभमामनां दित्तियां। उनें Air Force Station Thoise च इक अत्याधुनिक हवाई यातायात सेवाएं दे परिसर दा उद्घाटन कीता जेहड़ा हवाई अड्डे दी परिचालन तत्परता गी बढ़ाने च मती भूमिका निभागा। एयर मार्शल होरें त्सोगतसालू, नयोमा ते रेजाग ला स्मारक दा बी दौरा लाया।

<><><><><><>

### Twang Rajnath Singh

रक्षा मंत्री राजनाथ सिंह होरें आखेआ जे भारत ते चीन असल कब्जा रेखा कन्नै लगदे किश इलाकें च बने दे मसले दा हल कडुने लेई राजनयिक ते फौजी दौनें स्तरें पर गल्लबात करा'रदे ना। उनें आखेआ जे गल्लबात दे परिणामस्वरूप केई मसलें पर आपसी सहमति बनी ऐ। उनें एह गल्ल अज्ज तवांग च सरदार वल्लभ भाई पटेल हुंदी मूर्ति ते मेजर Ralengnao BOB Khathing Museum of Valor दा उद्घाटन करने मगरा आक्खी। उनें आखेआ जे तवांग च सरदार पटेल हुंदी मूर्ति, मुल्खै दे निर्माण लेई लोडचदी एकता ते भावना दा चेत्ता नोआंदी रौहंगं उनें आखेआ जे सरकार इक्क ऐसे उत्तर पूर्व दा निर्माण करोग जेहड़ा ना छड़ा कुदरती तौरा पर मजबूत होग, सगुआं पारम्परिक ते आर्थिक तौरा पर बी सुदृढ होग। इस मौके पर राज्यपाल रिटायर्ड लेफ्टिनेंट के.टी पटनायक, मुख्मन्त्री पेमा खांडू, केंद्री मंत्री किरेण रिजिजू, मणिपुर दे मुख्मन्त्री एन. बीरेन सिंह ते मेजर BOB Khathing हुंदे परिवार आहले मौजूद हे।

<><><><><><>

### India-China-Sweets

भारत ते चीन दी सेना नै असल कब्जा रेखा कन्नै लगदे किश थाहें देयाली दे मौके पर मिठाइयां दा आदान-प्रदान कीता। पूर्वी लद्दाख च डेमचोक ते डेपसांग मैदानै थमां दौनें मुल्खें बक्खी सेना गी हटाए जाने दी प्रक्रिया गी पूरा करने मगरा भारत ते चीन नै मिठाई बंडुने दी रिवायत पूरी कीती। 5 सीमा कार्मिक बैठक थाहें पर त्यौहार दे मौके मिठाइएं दा आदान-प्रदान कीता गेआ। सेना दे सूत्रें दस्सेआ जे दौनें देशें दी सेना दो थाहें परा पूरी चाल्ली पिच्छे मुडी गेइयां न ते तौलें गै इत्थे गशत शुरू कीती जागा। सूत्रें मुजब जांच सत्यापन प्रक्रिया जारी ही ते गशत सरबंधी फैसला ग्राउंड कमांडरें तरफा लैते जा9न। मकामी कमांडर स्तर दी गल्लबात जारी रौहगा।

<><><><><><>

### National-Unity Day

अज्ज राश्ट्रीय एकता ध्याड़ा ऐ। हर बरे 31 अक्तूबर गी एह दिन पूरे देसै च सरदार वल्लभाई पटेल हुंदे जन्म ध्याड़े दे रूपै च मनाया जंदा ऐ जेहडे भारत दी आजादी दे संघर्ष च इक अहम हस्ती हे ते ओह देस दे पैहले उप-प्रधानमंत्री ते गृह मंत्री हे। राश्ट्रीय एकता ध्याड़े बक्ख-बक्ख रियासतें गी इक राश्ट्र च कट्टा करने दे उंदे जत्तें दे चेत्ते च मनाया जंदा ऐ ते दिन देसै दे लोकें च इकजुटता दी भावना गी बढ़ावा दिंदा ऐ। अपनी असाधारण नेतृत्व ते राश्ट्रीय एकीकरण लेई अटूट प्रतिबद्धता आस्ते मशहूर सरदार वल्लभ भाई पटेल होरें गी 'लौह पुरूष' बी आखेआ जंदा ऐ।

<><><><><><>

### PM-Ekta Divas Address

प्रधानमंत्री नरेंद्र मोदी होंरें अज्ज एकता दी भावना उप्पर जोर दिंदे होई देशवासियें गी बंटवारे आहली शक्तियें दे खलाफ जागरूक कीता जिंदा मकसद राष्ट्र दी अखंडता गी त्रोंडना ऐ। सरदार पटेल हुंदी जयंती उप्पर गुजरात दे केवडिया दे एकता नगर च राष्ट्री एकता दिवस समारोह गी संबोधित करदे होई प्रधानमंत्री होंरें इस गल्ला पर जोर भेरआ जे अगले 25एं बरें च विकसित भारत दे विजन गी हासल करने लेई राष्ट्र एकता दी भावना मती जरूरी ऐ। उनें दस्सेआ जे पिछले 10 बरें दौरान उंदी सरकार अपनी सब्बनें नीतियें ते फैसलें च इक राष्ट्र दी भावना गी लगातार मजबूत करा'रदी ऐ। प्रधानमंत्री होंरें नागरिकें गी सतर्क रौहने ते भारत दी एकता दी भावना गी अपनाने लेई आखेआ।

<><><><><><>

### PM-Diwali

प्रधानमंत्री नरेंद्र मोदी होंरें देयाली दे मौके उप्पर सारे देशवासिएं गी मुबारकबाद दितती ऐ। मोदी होंरें अपने इक सोशल मीडिया पोस्ट राहें सारे देशवासियें लेई स्वस्थ, खुशहाल ते समृद्ध जीवन दी कामना कीती ऐ। प्रधानमंत्री होंरें आखेआ जे सारे देशवासिएं उप्पर मां लक्ष्मी ते भगवान श्री गणेश जी दी कृपा बनी दी रवै।

<><><><><><>

### Prez. VP-Patel

राष्ट्रपति द्रौपदी मुर्मू ते उपराष्ट्रपति जगदीप धनखड़ होंरें अज्ज नमीं दिल्ली च सरदार वल्लभभाई पटेल होंरें गी उंदी जयंती दे मौके पर पटेल चौक पर उंदी मूर्ति पर फुल्ल चढाइयै उनेंगी श्रद्धांजलि अर्पित कीती। राष्ट्रपति मुर्मू होंरें आखेआ जे सरदार पटेल होर इक्क देशभक्त ते राष्ट्र निर्माता हे। उप-राष्ट्रपति जगदीप धनखड़ होंरें आखेआ जे सरदार पटेल हुंदा इक मजबूत ते इकजुट भारत दा विजन लोकें सौहार्द ते राष्ट्र गौरव गी होर बढ़ावा देने लेई प्रेरित करदा ऐ। उनें राष्ट्रीय एकता ध्याडे उप्पर सारें गी आग्रह कीता जे ओहू सरदार वल्लभभाई पटेल हुंदी एकता दी विरासत गी कायम रखने दा प्रण लैन।

<><><><><><>

### Indira-Gandhi Death Anniversary

पूरे देसै नै अज्ज अपने साबका प्रधानमंत्री इंदिरा गांधी होंरें गी उंदी पुण्यतीथि उप्पर चेत्ता कीता। कांग्रेस दे नेता राहुल गांधी ते पार्टी दे वरिष्ठ नेताएं दिल्ली दे शक्ति स्थल जाइए उनेंगी श्रद्धांजलि अर्पित कीती। इंदिरा गांधी स्मारक उप्पर इक सांस्कृतिक कार्यक्रम दा बी आयोजन कीता गेआ। कांग्रेस पार्टी दे अध्यक्ष मल्लिकार्जुन खड़गे होंरें बी इंदिरा गांधी होंरें गी श्रद्धांजलि अर्पित कीती। अपने इक सोशल मीडिया पोस्ट च खड़गे होंरें आखेआ जे इंदिरा गांधी होंरें देसै दी अखंडता ते एकता गी बनाई रखने लेई अहम भूमिका निभाई।

<><><><><><>

### Railway-Special Trains

भारतीय रेलवे नै ध्यारें दे चलदे यात्रिएं दे रश गी दिखदे होई पूरे देसै चद खास रेल सेवां शुरू कीतियां ना। हर बरे ध्यारें दे मौके उप्पर रेलवे मेरा खास रेल गड्डियां चलांदी ऐ तां जे लक्खां यात्रियें गी यात्रा च सहूलत होई सकै। पिछले बरे थमां इस बरे 2 जहार 800 स्पेशल रेल गड्डियां बद्द दर्ज कीती गेइयां ना। पिछले बरे एहू तकरीबन 4 जहार 500 स्पेशल रेल गड्डियां लाइयां गेइयां हियां। आकाशवाणी जम्मू कन्नै गल्लबात करदे होई दिल्ली दे डिविनिजल रेलवे मैनेजर सुखविंद्र सिंह होंरें आखेआ जे ध्यारें गी दिखदे होई यात्रियें लेई रेल गड्डियें च गैर आरक्षित कोच दी

गिनतरी च बाद्दा कीता गेआ ऐ। उनें एहू बी दस्सेआ जे पिछले बरे दी तुलना च 123 होर नियमित रेल गड्डियां चला रदियां ना। भारतीय रेलवे नै जम्मू तवि थमां 2 आरक्षित ध्यार स्पेशल ट्रेनें दे संचालन दी घोशणा कीती ऐ।

<><><><><><>

### Grihmantri-Award

केंद्री गृह मंत्री दक्षता पदक बक्ख-बक्ख राज्यें, केंद्र शासित प्रदेशें, केंद्री सशस्त्र पुलस बल ते केंद्री पुलस संगठन दे 463 कर्मिं गी सन 2024 आस्तै दित्ते जा'रदे ना। एहू सम्मान खास ऑपरेशन, जांच पडताल, फारेंसिक इंटेलीजेंस दे क्षेत्र च बेहतरीन कम्म, पेशेवर दर्जे गी अगडा बदाने आस्तै दित्ता जंदा ऐ। केंद्री गृह मंत्री दक्षता पदक गृह मंत्रालय तरफा इस्सै साल 1 फरवरी गी स्थापित कीते गए हे। मंत्रालय नै दस्सेआ ऐ जे मेडल हर बरे सरदार वल्लभ भाई पटेल हुंदी पुण्यतीथि यानि 31 अक्तूबर गी घोषित कीते जाडन। एहू सम्मान पुलस बल, सुरक्षा संगठन, इंटेलीजेंस इकाई, राश्ट्री सुरक्षा गार्डे गी उंदी बेहतरीन सेवाएं ते दलेरी कन्नै ड्यूटी करने आस्तै दित्ता जाग।

<><><><><><>